

四庫全書

史部

欽定四庫全書

政和五禮新儀卷二十一

序例

朝會儀衛

大慶殿大朝會

黃麾大仗五千二十五人仗首左右廂各二部絳引幡

十執幡各一人

當御廂左右部並設  
內仗首第二部不設

服武弁緋繡寶相

花寬衫草帶大口袴

諸部隊大將軍折衝果毅  
官錦帶袴並執儀人帽並隨色第

一部左右領軍衛大將軍各一員

第二部左右領軍折衝

服平巾

幘紕繡白澤袍銀帶大口袴錦縢蛇佩橫刀弓矢

後部及部

甲隊大將軍折衝果毅服佩同

掌鼓四人

後部並服同

服帽緋繡抹額寶相

花寬衫草帶行滕鞵襪帥兵官一十人分左右

後部並服同

服平巾幘緋繡寶相花寬衫銀帶大口袴執儀刀部十

二行每行持各十人

後部並仗同

第一行龍頭竿黃雞四角

髦

凡髦皆以龍頭

第二行儀鎗五色幡第三行青孔雀五角髦

第四行烏戟第五行排鳳六角髦第六行細弓矢第七

行白鷺四角氅第八行朱膝絡盾刀第九行皂鷺六角

氅第十行細弓矢第十一行稍第十二行綠膝絡盾刀

揭鼓二掌揭鼓二人

後部同

服帽黃繡抹額寶相花寬衫

草帶行膝襪襪

第二第七行銀褐第三第十一行青第四第九行皂第五第八第十十二行

並揭鼓緋後部准此

以上排列左右廂第一部各於軍負之南居

次廂第一部稍前第二部於第一部之後並相向次廂

左右各三部第一部左右此衛大將軍各一員

後二部左右武

衛大將軍第三部左右衛將軍

果毅各一員

第二第三部折衝

服飛麟袍

第二部瑞

鷹第三部瑞馬列仗首左右廂第一部之南相向持黃麾幡二

人服武弁黃繡寶相花寬衫草帶大口袴在御廂廂前  
分立當御前左右各一部左右衛果毅各一人服瑞馬  
袍於玉輅之前分左右並北向次御廂左右各三部第  
一部左右騎衛將軍各一員第二部左右領軍衛第  
三部左右領軍衛果毅服  
赤豹袍第二第三  
部白澤第一部分於當御廂之左右差後第  
二部左在金輅之後偏西右在象輅之後偏東第三部  
左在草輅之後偏西右在木輅之後偏東並北向次後

左右廂各三部第一部左右武衛將軍各一員

第二部左右屯

衛將軍第三部左右領軍衛折衛

服瑞鷹袍

第二部飛麟第三部白澤

各在綱子鵲

雞毬旗之前東西相向左右廂各部甲十二隊第一隊

左右衛果毅各一員

第二隊左右衛第四隊左右驍將第六隊左右武衛第八隊左右屯

衛第十第十二隊左右領軍衛並折衛第三隊左右驍衛第五隊左右武衛第七隊左右屯衛第九隊第十一隊

左右服瑞馬袍

第三第四隊赤豹第五第六隊瑞鷹第七第八隊飛麟第九至第十二隊白澤

獬旗二

第二第十一隊瑞雞第三隊仙鹿第四隊金鴨第五隊瑞麥第六隊孔雀第七隊野馬第八

隊犛牛第九隊甘露第十隊綱子第十二隊同第一隊

執旗二人服帽黃繡抹額

欽定四庫全書

政和五禮新儀  
卷二十一

三

寶相花寬衫

第五隊第六隊銀褐第七隊第八隊  
皂第五第十隊青第十一十二隊緋

草帶

佩橫刀黃盤甲

第五第六隊白第七第八隊黃  
第九第十隊青第十一十二隊緋

刀盾

第四第六第九第十  
第十二隊弓矢

三十人為五重服錦臂鞬行膝襪襪

以上第一至第六隊在仗首第三部北第七至第十二

隊在仗首第二部南東西相向左右廂後部各十二隊

第一隊左右衛折衝各一員

第二隊左右衛第五至第七隊左右武衛第十至第

十二隊左右領軍衛並折衝第三第四隊  
左右驍衛第八第九隊左右屯衛並果毅

服錦帽緋繡

戎服瑞馬大袍

第三隊第四隊赤豹第五至第七隊瑞  
鷹第八第九隊飛麟第十至第十二隊

白銀帶窄袴佩橫刀弓矢角端旗二

第二隊赤熊第三隊兕第四隊太平

第五隊馴犀第六隊雞鶩第七隊驢騊第八隊駒牙第九隊蒼馬第十隊白狼第十一隊童馬第十二隊金牛

執旗二人服佩同步甲隊

第一第六第十一隊青第二第七第十二隊緋第三第八

隊黃第四第九隊銀褐第五第十隊皂

執弩五人為一列弓矢十人為二

重稍二十人為四重服錦帽青繡寶相花袍

執稍以緋草帶

大口袴以上在大慶門外第一至第四隊在前第五至

八隊在後第九至第十二隊又在其後東西向真武隊

金吾折衝都衛一員服平巾幘紫繡辟邪袍銀帶大口



袴錦螭蛇佩橫刀弓矢仙童真武螭蛇神龜旗各一執  
旗各一人服皂繡抹額寶相花寬衫草帶佩橫刀弓矢  
執褱稍二人分左弩五人為一列弓矢二十人為四重  
稍二十五人為五重服平巾幘緋繡寶相花寬衫草帶  
大口袴以上在大慶門外中道北向排列

殿中省尚輦陳孔雀扇四十於簾外執扇各一人服介  
幘絳韞衣錦草帶白綾襪烏皮履陳輦輿於龍墀大輦  
在東部押執擎人二百二十有二人腰輿在其南一十

有七人小輿又在其南二十有五人皆西向平輦在西  
逍遙在其南共三十七人皆東向將校尉都將並帽子  
忠佐至指揮使以宜男錦襖副指揮使軍使副兵馬使  
黃獅子十將將虞候以方勝練鵲節級白獅子皆銀帶  
腰輿小輿下節級並輦輦下長行並武弁冠黃絕繡對  
鳳寬衫紮羅生色袒帶白絹勒白袴紮絹行滕白獅子  
錦襖銀帶設繖扇於沙墀方繖二分左右執繖扇將校  
二人服弓脚幘頭碧欄衫金銅草帶烏皮鞞團龍扇四

分左右夾繖扇都將四人服同將校方雉扇一百分繖  
扇之後各五行每行十執扇長行一百人服武弁緋繡  
寶相花大袖大口袴銅草帶押當職掌二人各立團龍  
扇之北服介幘絳溝衣草帶襪履金吾引駕官二人分  
立團扇之南服二梁冠朝服

文德殿視朝

大慶殿冊命一品  
大臣黃麾仗准此

黃麾半仗共二千二百六十五人殿內仗首左右廂各  
一部每部一百  
二十四人在金吾仗南東西相向絳引幡十執幡

各一人分部之南北為五重

當御廂左右部同左部在  
帥兵官東右部在帥兵官

西各為  
十重

服武弁緋繡寶相花寬衫草帶大口袴

當御廂  
左右部

服同弁以紗為之其餘弁幘同絹衫二月一日  
至九月終以纈袍抹額錦帽臂鞞腰蛇並准此左右領

軍幘紬繡白澤袍銀帶大口袴錦螭蛇佩橫刀弓矢

次廂

左右各三部當御廂次後廂左右一部及部  
甲隊左右各六隊大將軍折衝果毅服佩同掌鼓一人

次大將軍後

次廂左右第一部並當御廂左右廂部次  
廂果毅次廂左右第二部三部次折衝次

後廂左右部次將軍服帽緋繡抹額寶相花寬衫草帶行膝鞵襪

帥兵官十人分部之南北為五重

北在絳引幡之南南  
在絳引幡之北次廂

左右第一第二第三部之南北當御廂服平巾幘緋繡  
次後廂左部在黃氍東右部在黃氍西

寶相花寬衫銀帶大口袴執儀刀部十行每行持各十

人每色兩行為五重

次廂左右第一第二第三部同當御廂次後廂左右部每色一行為

十重左部以東為首右部以西為首並次帥兵官

第一行龍頭竿黃雞四角氍

凡氍皆持以龍頭竿

第二行儀鐙五色幡第三行青孔雀五角氍

第四行烏戟第五行緋鳳六角氍第六行細弓矢第七

行白鷺四角氍第八行朱滕絡盾刀第九行皂鷺六角

氍第十行稍揭鼓二掌揭鼓二人分立緋氍烏戟後當

中間

一次廂左右第一第二第三部同當御廂次後廂並一在儀鎧青箋間一在弓矢白箋間與後行齊

服帽繡抹額寶相花寬衫草帶行膝襪襪

服隨箋色內白箋儀鎧帽

並以銀褐烏靴以皂弓矢以黃稍以青刀盾揭鼓並以緋

次廂左右各三部

每部一百一十

五人次左右廂仗首之南東西相向第一部左右屯衛大

將軍各一員

第二部左右武衛大將軍第三部左右衛將軍

果毅各一員

第二

部折衝

次大將軍後

第三部次將軍後

服飛麟袍

第四部瑞鷹第五部瑞馬

掌

鼓以下至掌揭鼓人服飾人數並同仗首

當御廂次後廂准此

黃

麾幡二執各一人分立當御左右廂前中間北向服武

弁黃繡寶相花寬衫草帶大口袴當御廂左右各一部

每部一百二十四人 在殿門裏中道分東西並北向

次後廂左右部同大慶殿

列於樂架之南 左右衛果毅各一員

左在部西右在部東次後左右廂將軍准此

服

瑞馬袍次後廂左右各一部

每部一百一十四人

次當御廂南左

右驍衛將軍各一員赤豹袍左右廂各步軍六隊

第一隊每

隊三十三人第二至第六隊每隊二十七人 分東西在仗隊後第一隊左右

衛果毅各一員

第二隊左右驍衛第四隊左右屯衛第六隊左右領軍衛並折衝第三隊左右

武衛第五隊左右 服瑞馬袍

第二隊赤豹第三隊瑞鷹第四隊飛麟第五第六隊

領軍衛並果毅

白貌旂二

第二隊金鸚鵡第三隊瑞麥第四隊澤犛牛第五隊甘露第六隊鷄雞執各一人

服帽黃繡抹額寶相花寬衫

第三隊銀褐第四隊皂第五隊青第六隊緋

草

帶佩橫刀黃鍔甲

第三隊銀褐第四隊黑第五隊青第六隊赤四月一日至七月終皮圍項

以繡絹代減披膊副腿加隨色領衫觀

刀盾

內第二第四第九隊弓矢三十人為五重

第二隊至第六隊各服錦臂構行膝鞵襪殿門外

大慶殿於

大慶門外左右廂後部各六隊每隊三十八人在都下親從

後東西相向第一隊左右衛折衝各一員

第三隊左右武衛第五隊

左右領軍衛並折衝第二隊左右衛並果毅

服錦帽緋繡戎服瑞

欽定四庫全書



馬大袍

第二隊赤豹 第三隊瑞鷹 第五隊白澤 第四隊飛麟

銀帶窄袴佩橫刀

弓矢角觴旗二

第二隊太平 第三隊馴犀 第四隊騶牙 第五隊白狼 第六隊蒼馬

執旗

各一人服佩同步隊

第一隊 第六隊 黃第二隊 銀褐 第三隊 青 第四隊 皂 第五隊 緋

執

弩五人為一列弓矢十八為二重稍二十人為四重並

服錦帽青繡寶相花袍

緋稍以

草帶大口袴真武隊五十

七人在端禮門內中道北

大慶殿於殿門外

金吾折衝都尉一

負在隊前服平巾幘紱繡辟邪袍銀帶大口袴錦騰蛇佩橫刀弓矢仙童真武騰蛇神龜旗各一執旗各一人

服皂繡抹額寶相花寬衫草帶佩橫刀執褱稍二人

左分

右弩五人為一列弓矢二十人為四重稍二十五人為五重服平巾幘緋繡寶相花寬衫草帶大口袴排列仗隊職掌六人分立仗隊之間殿內四人殿外二人服直脚幘頭紮羅寬衫

殿中省尚輦陳扇二十於簾外執扇殿侍二十人服直脚幘頭紮羅寬衫銀帶陳腰輿小輿於東西朵殿腰輿在東小輿在西人負都將各一負輦官共四十人人員

並帽子都將各官並直脚幞頭紮羅夾三檐紅錦襖銀

帶

二月一日至九月終錦帽纈羅衫

陳繖扇於殿下方繖二分左右圍

龍扇四分左右夾方繖並執扇各一人

將校或節級

方雉扇

六十分左右作三重在繖扇之後輦官長行各一人執

人服並同大朝會執繖扇等人金吾左右將軍各一員

在繖扇之南稍前服本色服四色官四人二人立於將

軍之南與繖扇一列宣勅放仗二人在引駕官南並直

脚幞頭綠公服金銅帶烏皮鞞執儀刀引駕官二人在

親從官後服直脚幞頭紕公服長行二十四人在四色  
官之南並弓脚幞頭碧欄衫餘同四色官排列官二人  
在長行之西並帽子紕繡大袖袴次金甲天武官二人  
在長行南並金銅兜鍪衣甲執鉞以上並分東西廂向  
立設旗於殿門之外青龍旗一在左五嶽神旗各一次  
之五方色龍旗各一次之五方色龍旗各一又次之白  
虎旗一在右五星神旗各一次之五方色鳳旗各一次  
之五方色鳳旗各一又次之執人並帽子繡抹額寬衫

隨方色

政和五禮新儀卷二十一

欽定四庫全書

政和五禮新儀卷二十二

序例

朝會儀衛

紫宸殿大遼使朝

黃麾角仗等共一千五十六人殿內黃麾幡二執各一人次四色官之南分左右服武弁黃繡寶相花寬衫草

帶大口袴

弁以紗為之其餘中幘同繡衫二月一日至九月終以纈袍抹額錦帽臂鞬膝蛇並准此

仗首左右廂各一部

每部一百一十四人

在朵殿下稍南絳引幡

十執幡各一人分部之南北各為五重服武弁繡寶相

花寬衫草帶大口袴左右領軍衛大將軍各一員在部

中間稍南

次廂左右第一第二部同

服平巾幘紫繡白澤袍銀帶大

口袴錦螭蛇佩橫刀弓矢

次廂左右第一第二部次步甲隊大將軍折衝果毅服佩

同

掌鼓一人次大將軍後

次廂左右第一部次果毅第二部次折衝

服帽緋

繡抹額寶相花寬衫草帶行膝鞵襪帥兵官十人分部

之南北

北在絳引幡之南南在絳引幡之北次廂左右第一部在南第二部在北

各為五重

服平中幘緋繡寶相花衫銀帶大口袴執儀刀部九行

每行持各十人第一行龍頭竿黃鸛四角氅

凡氅皆持以龍頭竿

第二行儀鎧五色幡第三行青孔雀五角氅第四行烏

戟第五行緋鳳六角氅第六行細弓矢第七行白鸞四

角氅第八行稍第九行皂鸞六角氅掌揭鼓一人在緋

氅烏戟之後中間

次廂左右第一第二部同

服帽繡抹額寶相花寬

衫草帶行膝襖襪仗各五重

服隨氅色內氅儀鎧幡並以銀褐烏戟以皂弓矢以

黃稍以青揭鼓以繡

次廂左右各二部

每部一百五人

次左右廂仗首之



南第一部左右屯衛大將軍各一員

第二部左右武衛大將軍果毅

各一員

第二部折衝

次大將軍後服飛麟袍

第二部瑞鷹

掌鼓吹

以下至掌揭鼓服飾人數並同仗首殿外左右廂各部

甲三隊

每隊三十三人

第一隊左右衛果毅各一員

第二隊左右驍將折

衛第三隊左右武衛果毅

服瑞馬袍

第二隊赤豹第三隊瑞鷹

貌旗二

第二隊金鸚鵡第三

隊瑞

執旗各一人服帽黃繡抹額寶相花寬衫

第二隊左青右

銀褐第二隊左赤右黑

褐草帶佩橫刀黃鍔甲

第二隊左青右銀褐第三隊左赤右

黑

刀盾

內第二隊弓矢

三十人為五重

整甲四月一日至七月終皮圓項以纈代減披

膊副腿加隨  
色領衫襯

服錦臂鞬行膝鞵襪左右廂後部各三隊

第一隊每隊三十八人  
第二隊每隊三十三人

第一隊左右衛折衝各一員第二

隊左右衛果毅第三隊左右武衛折衝

服錦帽緋繡戎服瑞馬大袍

第二隊赤

豹第三隊瑞鷹

銀帶窄袴佩橫刀弓矢角觶旗二

第二隊太平第三隊馴犀

執旗各一各服佩同步甲隊執弩五人為一列弓矢十

人為二重

第一第三隊一列

稍二十人為四重服錦帽青繡寶

相花袍

緋稍以

草帶大口袴排列仗隊職掌二人次廂第

二部之南分左右服直脚幞頭紕羅寬衫以上殿内外

仗隊東西相內排列

殿中省尚輦陳輿輦於東西朵殿平輦在東西向逍遙輦在西東向設繖扇於殿下方繖一分左右團龍扇四分左右夾方繖方雉扇二十四分左右各二重在繖扇之後金吾四色官一名宣勅放仗服飾同視朝四色官

文德殿發冊

黃麾細仗共一千四百二人設日旗君王萬歲旗獅子旗金鸞旗青龍旗各一在殿東階之東以西為上月旗

天下太平旗獅子旗金鳳旗白龍旗黑龍旗各一在殿  
西階之西以東為上每旗執撻四人俱北向立並服五  
色繡衫錦臂鞬押當職掌一人分左右立於日月旗南  
服介幘絳禱衣草帶履襪次方繖二團龍扇四夾方繖  
執繖扇各一人執人並弓脚幘頭服碧欄衫草帶烏皮  
鞬次金甲二人服金甲兜鍪鳳翅執鉞次四色官六人內  
二人執笏餘執金銅儀刀並服幘頭綠羅公服金銅帶  
白絹袴烏皮鞬次碧欄二十四人並弓脚幘頭碧欄衫

金銅帶白絹袴烏皮鞞內執金銅儀刀左右各六人在  
北次都押衙二人立於碧欄之南少退服幘頭紕羅繡  
襖金銅帶次皁纛旗一十二每旗執撻五人並皂紗帽  
皁寬衫皁絹袴皁鞵襪左右金吾仗司負僚各一人押  
纛立於旗南服幘頭紕繡寶相花大袖次青龍旗一在  
東白虎旗一在西每旗執撻六人服繡抹額寬衫白絹  
袴執青龍旗人以青執  
白虎旗人以銀褐負僚二人押旗分左右在旗之  
北並幘頭紕繡寶相花大袖以上並分左右東西相向

次五方龍旗二十五在東五方鳳旗二十五在西每五  
旗相間各依方色排列五獄神旗五在東五星神旗五  
在西各依方位排列每旗執搯三人並服逐色抹額繡  
寬衫白絹袴次朱雀旗一在東真武旗一在西每旗執  
搯六人服繡抹額寬衫白絹袴抹額衫執朱雀旗人以  
緋玄武旗人以皂以上  
並北員僚二人押旗在旗之南分左右並幞頭戴繡寶  
相花大袖襖以紅門旗二十八分左右每旗執搯五人  
各服五色繡抹額寬衫白絹袴次寅卯辰巳午未旗六

在東申酉戌亥子丑旗六在西天黃旗四分左右夾衣  
旗次龍君旗五次赤豹旗五次吏兵旗五每旗各為一  
列在東次虎君旗五次黃熊旗五次力士旗五每旗各  
為一列在西每列押尾天黃旗一以次於西以上每旗  
執摺三人並服錦帽臂構五色繡衫白絹袴次負僚六  
人押仗各分於旗前並幘頭紕羅繡大袖袴次負僚四  
人押旗分左右東西為一列

下至第九隊  
旗行列准此

第二隊角宿

亢宿氐宿旗各一第三隊虛宿危宿室宿壁宿奎宿旗

各一第四隊參宿井宿鬼宿柳宿駃騠旗各一第五隊  
角三獸黃鹿豈文馴象飛麟旗各一第六隊辟邪玉兕  
吉利仙鹿祥雲旗各一第七隊花鳳飛黃野馬金鸚鵡  
瑞麥旗各一第八隊孔雀兕甘露網子角旗各一並各  
為一列第九隊犛牛旗一設於孔雀旗後右廂第一隊  
同左廂第二隊第二隊尾宿箕宿斗宿牛宿女宿旗各  
一第三隊娄宿胃宿昂宿畢宿觜宿旗各一第四隊星  
宿張宿翼宿軫宿駃騠旗各一第五隊至第六隊並同



左廂第五至第八隊第九隊駟牙旂二蒼烏旂二旂間  
爲一列次上每旗執摺三人俱北向並服五色繡寶相  
花抹額衫草帶負僚二人押黃麾立於龍鳳旂之北服  
幘頭紕純繡瑞鷹袍左右廂五色龍鳳旂之東西各設  
黃麾幡二執幡各一人

以下執幡  
人數准此

次告止幡五次傳教

幡五次信幡五次絳麾幡二次絳引幡五執黃麾絳麾  
幡絳引幡人並服武弁繡寶相花衫草帶

執黃麾絳麾  
人以黃繡絳

引幡人執告止傳教幡信幡人服繡寶相花抹額衫草

以緋繡

帶

執告止傳教幡人緋  
繡信幡人以黃繡

負僚二人押黃麾立於龍鳳旗

北少東服幘頭紕繡瑞鷹排欄旗三十自黃麾幡東西  
排列以次於南每旂執撻三人俱北向鎧杖哥舒各三  
十於殿東西兩廂排鎧杖起北哥舒間之執各一人俱  
東西向執撻排欄旂執鎧杖哥舒人並服錦帽錦臂襍  
五色繡衫左右廂執白櫜槍各七十五人東西相向並  
服交脚幘頭五色繡抹額衫錦臂襍銀帶腰桿又於騶  
牙旗南設大黃龍旗一在殿門裏少西執撻二十人小

黃龍旂一在大黃龍旂後少西執撻三人次火神旗六  
分左右並服錦帽錦臂襦五色繡衫草帶白絹袴衛尉  
寺押當儀仗職掌四人排仗通直官二人大將軍二人  
節級二人檢察六人左右金吾仗司押當職掌各一名  
排列官一名職掌大將檢察並幞頭寬衫衛尉職掌緋羅衫大將檢  
察金吾職掌羅衫排仗通直官幞頭紕公服金吾排列官服帽  
節級幞頭並紕繡寶相花大袖襖

凡大朝會等儀衛有司皆依令式陳設如常儀



政和五禮新儀卷二十二

欽定四庫全書

政和五禮新儀卷二十三

序例

班位

朝堂行事陪祠助祭官受誓戒班

三公左輔在東西向太宰少宰在其東門下中書侍郎  
尚書左右丞又在其東左散騎常侍左右丞之南稍東  
給事中左諫議大夫在其東起居郎左司諫符寶郎左

正言又在其東觀文殿大學士學士資政殿大學士翰

林學士承旨翰林學士資政端明殿學士在右散騎常

侍之南

觀文殿學士資政殿大學士  
稍前觀文殿大學士又稍前

特進在端明殿學

士之南

稍前

六曹尚書在其東

與端明殿  
學士班齊

次六曹侍郎開

封尹至司成

開封尹以下  
稍空

次太常卿至祕書監次殿中少

監至祕書少監次七寺少卿至都水使者次尚書左右

司員外郎至六曹諸司郎中次六曹諸司員外郎至少

府將作軍器少監又在其東御史大夫在工部尚書之

南中丞在其東侍御史殿中侍御史監察御史又在其

東太子三師在御史大夫之南

與執政官班齊

三少在其東

與御

史大夫班齊

次賓客詹事次左庶子以下又在其東每等各

重行異位俱西向北上

仗內官各綴本班

三少右弼在西東向

與三公班相對

使相在其西次知樞密院同知僉書樞密院又

在其西右散騎常侍在僉書樞密院事之南稍西

與左散騎

常侍班相對

中書舍人右諫議大夫在其西閣學士在右散

騎常侍之南

與觀文殿大學士班相對

直學士在其西待制又在其



西太尉在閣學士之南

與特進班相對

節度使在其西

與閣學士班齊

次節度觀察留後觀察使次防禦使次團練使次以刺

史以執事武功大夫以下又在其西次左右金吾衛左

右衛諸衛上將軍在節度使之南

諸衛上將軍稍却

知客省使

至知東上閣門事在大將軍之南僉書客省事至僉書

西上閣門事在其西以閣門通事舍人次閣門祇候次

省班祇候又在其西執事通侍大夫以下在知東上閣

門事之南每等各重行異位俱東向北上

太廟齋坊行事陪祠助祭受誓戒班

親王宗室使相在東稍北

宗室使相稍却

節度使在東稍南觀

察留後觀察使在節度使之東

觀察使稍却

次防禦使次團

練使次刺史次遙郡大將軍及準備行事宗室大將軍  
以下又在其東每等各重行異位俱西向北上

奉請皇帝致齋垂拱殿樞密以下班

知樞密院同知僉書樞密院事並當殿北上東上知同  
知入內內侍省事在樞密東南次知客省事至知西上

閣門事在其南次僉書客省事至僉書西上閣門事次  
閣門通事舍人次閣門祇候次閣門省班祇候又在其  
南管勾六尚書在同知人內侍省事之東典御在其  
南奉御又在其南祇應武功大夫以下在僉書客省事  
之西武功郎在其南次敦武郎次從義忠訓成忠郎又  
在其南每等各重行異位內符寶郎在武功大夫之東  
並北向西上祇應武德大夫至武翼大夫在武功大夫  
之西

留班

武德郎至武翼郎在其南次修武郎次秉義

忠翊保義郎又在其南每等各重行異位俱北向東上  
知內侍省同知僉書內侍省事帶御器械官大內留守  
於樞密班東南別為一班帶御器械官如不係正任即各歸本班宣贊閣  
門內人二員一員在知樞密院事之前一員在大內留  
守前並稍東西向

奏請皇帝致齋大慶殿文武官班

明堂即於宣德殿

三公三少左輔右弼在丹墀上香案之南稍東

明堂即於橫街

之南黃道之東

太宰少宰在其南尚書左右丞又在其南俱北

向西上門下侍郎在右弼之北稍東左散騎常侍在其東次給事中左諫議大夫觀文殿大學士資政殿大學士翰林學士承旨翰林學士資政端明殿學士在左散騎常侍之南

觀文殿學士資政殿大學士稍前觀文殿大學士又稍前

俱西向北上

親王在丹墀香案之稍西南

與三公相對

使相在其南俱北

向東上中書侍郎在使相之北稍西

與門下侍郎班相對

右散騎

常侍在其西次中書舍人右諫議大夫次起居舍人右司諫右正言又在其西閣學士在右散騎常侍之南

與觀

文班  
相對

直學士在其西待制又在其西俱東向北上左金

吾衛左衛左諸衛上將軍在黃道之東

諸衛上將  
軍稍却

諸大

將軍在其東率府率又在其東俱西向北上右金吾衛

右衛右諸衛上將軍在黃道之西

諸衛大將  
軍稍却

諸將軍在

其西率府副率又在其西俱東向北上特進在橫街之

內稍東六曹尚書在其南次六曹侍郎開封尹至大司

成

開封尹以  
下稍却

次太常卿至祕書監右司負外郎至六曹

諸司郎中次六曹諸司負外郎至軍器少監又在其南

行事執事官仗  
內官各級本班

御史大夫在工部尚書之東丞在其南

次侍御史殿中侍御史監察御史又在其南太子三師

在御史大夫之東

與特進班齊

三少在其內

與御史大夫班齊

次賓

客詹事次左右庶子以下又在其南每等各重行異位

俱北向西上大尉在橫街之南稍西

與特進班齊

節度使在

其南次節度觀察留後觀察使次防禦使次團練使次

刺史次執事武功大夫以下又在其南執事通侍大夫以

下在防禦使之西每等各重行異位俱北向東上

親祠陪祀文武官班

侍耕藉侍田獵班同

三公三少左輔右弼在壇午階之南稍東

大社大稷在午階之北稍

西以下逐班倣此

太宰少宰在其東門下中書侍郎尚書左右

丞又在其東特進在尚書右丞之南稍東六曹尚書在

其東次六曹侍郎及開封尹至大司成在其南

開封府尹以下

稍空次太常卿至祕書監次殿中少監至祕書少監次七

寺少卿至都水使者次左右司員外郎至軍器少監又

在其東六曹諸司員外郎至軍器少監又在其東

仗內官各



班級本 觀文殿大學士學士資政殿大學士翰林學士承

旨翰林學士資政端明殿學士閣學士在六曹尚書之

南

觀文殿學士資政殿大學士  
稍前觀文殿大學士又稍前

直學士在其東待制又

在其東御史大夫在閣學士之南御史中丞在其東侍

御史殿中侍御史監察御史又在其東右散騎常侍在

御史大夫之南給事中中書舍人左右諫議大夫在其

東次起居郎舍人左右司諫左右正言又在其東太子

三師在散騎常侍之南

與執政  
官班齊

三少在其東次賓客詹

事左右庶子以下又在其東每等各重行異位並西向

北上親王在西

與三公班相對

使相在其西大尉在使相之南

稍西節度使在其西次節度觀察留後觀察使次防禦

使次團練使次判使次宗室遙郡大將軍次行事執事

武功大夫以下又在其西左右金吾衛左右衛諸衛上

將軍在節度使之南

諸衛上將軍稍却

執事通侍大夫以下在

防禦使之南每等各重行異位東向北上諸軍都指揮

使以上在上將軍之南稍西東向諸方客使在文官之

南隨其方國西向並北上

親祠景靈官天興殿太廟助祭文武官班

親王在終獻之南宗室使相在其西宗室節度使於橫

街之南道東

與行事  
官班齊

節度觀察留後觀察使在其東次

防禦使次團練使次刺史次遙郡大將軍及準備行事

官又在其東每等各重行異位並西向北上三公三少

左輔右弼位在大禮使之南

與親王  
班相對

太宰少宰使相在

其西執政官又在其西文武群官於橫街之南

景靈宮  
於天興

殿庭之南特進位於執政官之南稍西六曹尚書在其西次

侍郎開封尹至大司成

開封尹以下稍空

次太常卿至祕書監

次殿中少監至祕書少監次七寺少卿至都水使者次

左右司負外郎至六曹諸司郎中次六曹諸司負外郎

至軍器少監又在其西

仗內官各綴本班

觀文殿大學士學士

資政殿大學士翰林學士承旨翰林學士資政端明殿

學士閣學士在工部尚書之南

觀文殿學士以下稍前觀文殿大學士又稍前

直學士在其西待制又在其西左右金吾衛左右衛左

右諸衛上將軍在御史大夫之南

諸衛上將軍稍却

左右散騎

常侍在上將軍之南給事中中書舍人左右諫議大夫

在其西起居郎舍人左右司諫左右正言又在其西太

子三師在左騎常侍之南

與執政官班齊

三少在其西

與尚書班齊

賓客詹事次左右庶子以下又在其西每等各重行異

位西向北上諸軍都指揮使以上分立於文武官之南

北上

親祠禮畢文武官稱賀班

管軍臣僚并行門當殿北向立太史局奏祥瑞官面西側立次知樞密院事同知僉書樞密院事當殿北向立知同知入內內侍省事在知樞密院事之南稍東知客省事至知西上閣門事在其南次僉書客省事至僉書西上閣門事次閣門通事舍人次閣門祇候次省班祇候又在其南內符寶郎在僉書西上閣門事之東六尚局管勾官在同知入內內侍省事之東典御在其南奉御又在其南祇應通侍中侍中衛左武大夫在知樞密

院事之南稍東武功大夫在其南次武功郎以下又在其南中亮拱衛左武郎在左武大夫之東稍却每等重行異位北向西上樞密直學士在知樞密院事之南稍

西

視入內侍省官班稍前

樞密都承旨

與入內

侍省事班齊

承旨在其南次副都承旨次副承旨諸房諸房

副承旨又在其南祇應正侍中亮拱衛右武大夫在僉書樞密院事之南稍西武德大夫以下在其南武德郎以下又在其南中衛右武郎在右武大夫之南稍却並

北向東上次三公親王文武百僚分東西相向三公三少左輔右弼在東太宰少宰在其東尚書左右丞又在其東門下侍郎在尚書左丞之北稍東左散騎常侍在其東次給事中左諫議大夫次起居郎左右司諫符寶郎左正言又在其東觀文殿大學士學士資政殿大學士翰林學士承旨翰林學士資政端明殿學士在左右丞之南稍東

觀文殿學士以下稍却資政端明殿學士又稍却

俱西向北上親

王在西

與三公班相對

使相在其西中書侍郎在使相之北稍



西

與門下侍郎班相對

右散騎常侍在其西次中書舍人右諫議

大夫次起居舍人右司諫右正言又在其西閣學士在

使相之南稍西

與觀文殿大學士班相對與右散騎常侍班齊

直學士在其西

待制又在其西俱東向北上左金吾衛左衛左諸衛上

將軍在端明殿學士之南

諸衛上將軍稍却

諸大將軍在其東

率府率又在其東俱西向北上右金吾衛右衛右諸衛

上將軍在閣學士之南

諸衛上將軍稍却

諸將軍在其西率府

副率又在其西俱東向北上特進在左諸衛將軍之南

與觀文殿大學士班齊

六曹尚書在其東次六曹侍郎開封尹至

大司成

開封尹以下稍空

次太常卿至祕書監次殿中少監至

祕書少監次七寺少卿至都水使者至尚書左右司員

外郎至六曹諸司郎中次六曹諸司員外郎至軍器少

監又在其東

仗內官各綴本班

御史大夫在六部尚書之南中

丞在其東侍御史殿中侍御史監察御史又在其東太

子三師在御史大夫之南

與執政官班齊

三少在其東

與尚書班齊

次賓客詹事次左右庶子以下又在其東每等各重行

異位西向北上大尉在右諸衛上將軍之南稍却

與特進班

對相節度使在其西節度觀察留後觀察使次刺史又在

其西每等各重行異位東向北上諸軍都指揮使以上

分立於文武官之南北向

班如賀祥瑞儀

御樓肆赦文武官班

受降宣露布同

三公三少左輔右弼在東西向太宰少宰在其東尚書左右丞又在其東門下侍郎在左丞之北稍東左散騎常侍在其東次給事中左諫議大夫次起居郎左司諫

符寶郎左正言又在其東觀文殿大學士資政殿大學

士翰林學士承旨翰林學士資政端明殿學士在右丞

之南稍東

觀文殿學士以下稍却翰林學士承旨以下又稍却

俱西向北上親王

在西東向

與三公班相對

使相在其西中書侍郎在使相之北

稍西

與門下侍郎班相對

右散騎常侍在其西次中書舍人右諫

議大夫次起居舍人右司諫右正言又在其西閣學士

在使相之南

與觀文殿大學士班相對與右散騎常侍班齊

直學士在其西待

制又在其西俱東向北上左金吾衛左衛左諸衛上將

軍在端明殿學士之南

諸衛上將軍稍却

諸大將軍在其東率

府率又在其東俱西向北上右金吾衛右衛右諸衛上

將軍在閣學士之南

諸衛上將軍稍却

諸將軍在其西率府副

率又在其西俱東向北上特進在左諸衛上將軍之南

六曹尚書至光祿大夫在其東次開封尹至大司成次

太常卿至中大夫次殿中少監至中散大夫次七寺少

卿至朝議大夫次左右司負外郎至朝奉大夫次六曹

諸司負外郎至朝奉郎次太常丞至承議郎次開封祥

符知縣至奉議郎次太史局正至通直郎次宣德郎以下又在其東御史大夫在光祿大夫之南中丞在其東

侍御史殿中侍御史監察御史又在其東太子三師在

御史大夫之南

與執政官班齊

三少在其東

與六曹尚書班齊

次太子

賓客詹事次左右庶子以下又在其東每等各重行異

位西向北上太尉在右諸衛上將軍之南

稍前

節度使在

其西次節度觀察留後觀察使防禦使次團練使次刺

史次武功大夫至武翼大夫次武功郎至武翼郎次敦

武郎至備武郎次從義郎以下又在其西和安大夫至翰林良醫在武翼大夫之南少和安郎至翰林醫正在其西知客省事至知西上閣門事在防禦使之南僉書客省事至僉書西上閣門事在其西次閣門通事舍人次閣門祇候次省班祇候又在其西通事大夫至右武大夫在知西上閣門事之南中亮郎至右武郎在其西每等各重行異位東向北上諸軍將校在百官後北向

班如視  
朝儀

四孟朝獻景靈宮文武官班

三公三少左輔右弼在東太宰少宰在其南次門下中書侍郎尚書左右丞次特進次六曹尚書次六曹侍郎

開封尹至大司成

開封尹以下稍空

次太常卿至祕書監次殿

中少監至太府卿又在其南觀文殿大學士學士資政殿大學士翰林學士承旨翰林學士資政端明殿學士

閣學士在工部尚書之東

觀文殿學士資政殿學士稍前觀文殿大學士又稍前

直學士在其南待制又在其南御史大夫在閣學士之



東丞在其南左右散騎常侍左御史大夫之東給事中

中書舍人左右諫議大夫在其南當直起居郎舍人又

在其南太子三師在左散騎常侍之東

與執政班齊

三少在

南

與左散騎常侍班齊

賓客詹事又在其南每等各重行異位北

向西上親王在西

與三公班齊

使相在其南次知同知僉書

樞密院事次太尉節度使次節度觀察留後觀察使次

防禦使次團練使次刺史次宗室遙郡以上又在其南

左右金吾衛左右衛左右諸衛上將軍在節度使之西

諸衛上將  
軍稍却

每等各重行異位北向東上

政和五禮新儀卷二十三

欽定四庫全書

政和五禮新儀卷二十四

序例

五服制度

衣服喪  
葬制附

斬衰三年正服子為父加服嫡孫為祖

謂承重者

父為長子

重其當先祖之正體  
將代已為宗廟主者

義服婦為舅

夫為祖曾高祖後者  
其妻從服亦如之

為人後者為所後父

為父所後者  
祖亦如之

妻為夫妾為君

妾謂  
夫為

君

齊衰三年正服子為母加服嫡孫為祖母母為長子謂父

為斬衰者義服婦為姑嫡孫為祖母曾高祖後為繼母為慈母

謂妾無子妾子無母而父命為母子者繼母為長子妾為君之長子

齊衰杖期降服父卒母嫁及出妻之子為母為生已者若為父後

則不服母猶服之正服嫡孫祖在為祖母義服父卒為繼母嫁

已從之謂繼母嫁而子從之寄育者夫為妻

齊衰不杖期正服為祖父母女適人同孫子父所生庶母服亦同惟為祖後者不

服為伯叔父為兄弟為衆子謂長子之弟及妾子若女子凡父母子於舅姑于婦

不傳至於嫡孫所傳至非嫡及養子為後者服之皆如衆子衆婦為兄弟之子為姑姊

妹及適人無適祭主者

謂無夫與子為祭主者

婦人無夫與子者

為其兄弟妹及兄弟之子妾為其子加服為嫡孫

有嫡子則

無嫡孫凡為後承嫡者雖曾孫玄孫與孫同

女適人者為兄弟之為人後者

降服嫁母出母為其子妾為其父母

凡妾為私親如衆人

為人後

者為其父母父母為其子之為人後者女適人者為父

母

所降之服未滿被出者不降服已除被出而本服未除者不服凡女適人應降之服未除已除被出者皆

此准義服繼母嫁為前夫之子從已者為伯叔母為母為

繼父同居者

謂子無大功之親從母適人所適者亦無大功之親

妾為嫡妻妾為

君之衆子為夫之兄弟之子舅姑為嫡婦

齊衰五月正服為曾祖父母

女適人同

齊衰三月正服為高祖父母

女適人同

義服為繼父不同居

謂先同今異者即同居而繼父有子或已有大功上親亦為異居原不同居者不服

大功九月殤

中殤七月正服為子之長殤中殤為嫡孫之長殤中殤

嫡曾孫玄

同孫亦

為叔父之長殤中殤為姑姊妹之長殤中殤為兄

弟之子長殤中殤義服為父之兄弟之子長殤中殤成

人正服為從父兄弟姊妹

謂同堂兄弟姊妹

為衆孫

男女同食稱孫者准

此

降服為姑姊妹適人者為女適人者女適人者為姑

姊妹兄弟及兄弟之子出母為女適人者女適人者為  
出母為兄弟女適人者為出母為兄弟女適人者女適  
人者為伯叔父為人後者為出母其姑姊妹兄弟為兄  
弟姪為人後者義服為夫祖父母為夫伯叔父母為兄  
弟子之婦為夫兄弟子之婦為夫兄弟女適人者女適  
人者為伯叔母夫為人後者其妻為本生舅姑為衆子



婦

小功五月殤正服為子之下殤為嫡孫之下殤為叔父之下殤為姑姊妹之下殤為兄弟之下殤為兄弟子之下殤為從父兄弟姊妹之長殤為衆孫之長殤降服為人後者為其姑姊妹兄弟之長殤女適人者為兄弟之子長殤義服為夫兄弟之子下殤為夫叔父長殤成人

正服為從祖祖父

謂祖之兄弟

為兄弟之孫為從祖父

謂父之同

堂兄

為從祖姑

謂父之同堂姊妹

為同堂兄弟之子為從祖兄

弟

謂再從兄弟

為從祖姊妹

謂再從姊妹

為從祖祖母

謂祖母之姊妹

為

外父母為舅為從母

謂母之姊妹

為甥

謂姊妹之子

女為姊妹之

子為同母異父兄弟姊妹降服為從父姊妹適人者女

適人者為從父兄弟為孫女適人者為人後者為其姑

姊妹適人者為人後者為其從父兄弟女適人者為其

兄弟侄之為人後者義服為從祖祖母為夫兄弟之孫

為從祖母為夫同堂兄弟之子為夫之姑姊妹

適人同女

在室及適人者為兄弟姪之妻為娣如婦

凡弟之妻相名也長婦謂

釋婦為娣婦衆謂長婦為姒婦或云妯娌

為嫡母之父母兄弟從母母出為

繼母之父母兄弟從母為庶母慈已者

謂庶母乳養之者

為嫡

孫之婦

有嫡婦則無嫡孫婦曾孫玄孫為後者服其婦如嫡孫之婦

為兄弟妻為夫

之兄弟

總麻三月殤正服為從父兄弟姊妹之中殤下殤為衆孫之中殤下殤為從祖叔父之長殤為從祖兄弟之長殤為舅及從母之長殤為從祖姑姊妹之長殤為從父兄弟之子長殤為兄弟之孫長殤降服女適人者為兄

弟之子中殤下殤為人後者為其姑兄弟姊妹之中殤

下殤為人後者為其從父兄弟之長殤義服為夫之叔

父中殤下殤為夫之姑姊妹之長殤成人正服為族兄

弟姊妹

謂三從兄弟姊妹

為族曾祖父

謂曾祖之兄弟

為族曾祖姑

謂曾

祖之姊妹

為兄弟之曾孫為族祖父

謂祖之同堂兄弟

為族祖姑

謂祖

同堂姊妹

為同堂兄弟之孫為族父族姑

謂父之再從兄弟姊妹

為再

從兄弟之子

女出嫁則不服族姊妹姑及姊妹孫女出嫁並准此

為曾孫元孫

為外孫

謂女子之子

為從母兄弟姊妹

謂兩姨兄弟姊妹

為姑之子

謂外兄弟姊妹

為舅之子

謂內兄弟姊妹

降服為從祖姑姊妹適人者

女適人者為從祖姑女適人者為從祖祖姑女適人者

為從祖兄弟女適人者為從祖姊妹女適人者為從祖

父

謂父之同堂兄弟

女適人者為同堂兄弟之子為同堂兄弟

之女適人者庶子為父後者為其母

若無嫡母及嫡母卒則為所生母服

其外祖父母舅從母並不服

為從祖祖姑適人者女適人者為兄弟

之孫為人後者為本生外祖父母為兄弟之孫女適人

者女適人者為從祖祖父義服女適人者為從祖祖母

為族曾祖母為夫兄弟之曾孫為族父母為夫同堂兄

弟之孫為族母為夫再從兄弟之子

女適人則不服

為衆孫之

婦女適人者為從祖母為庶母

父之妻有子孫

為乳母為壻

謂女

之為妻之父母

妻生再娶即同生妻身之母雖改嫁被出亦如之

為夫之曾祖

高祖父母為夫之從祖祖父母

謂夫之祖兄弟及其妻

為兄弟孫

之婦為夫兄弟孫之婦為夫之從祖父母

謂夫之父同堂兄弟及其

妻為同堂兄弟子之婦為夫同堂兄弟子之婦為夫從

父兄弟之妻為夫之兄弟之孫女適人為夫之從父兄

弟之女適人為夫之從父姊妹

適人同

為夫之外祖父母

為夫之舅及從母為外孫婦女為姊妹子之婦為甥之

婦

喪冠之制斬衰同屈繩為武齊衰以降以布為武總麻  
澡治其布為武皆垂其下為纓其冠以布為三辟攝前  
後屈而出於武其外厭而縫之為外緝其內厭而縫之  
為內緝大功以上辟攝向右小功以下辟攝向左

衰裳之制凡衰外削幅

縫之邊幅向外

裳內削幅

縫之邊幅向內

裳前

三幅後四幅皆三辟攝之斬衰衰與裳皆不緹緝齊衰而下衰則外緹裳則內緹又以方一尺八寸之布置背上縫着領下垂之出於辟領外一寸又以博四寸之布為領出於衰之兩旁又以長六寸博四寸之布綴於衣之外襟廣衰當心衣帶下尺枉二尺有五寸以掩裳之兩際袂屬其幅衣自領至腰長二尺有五寸袷尺二寸凡斬衰之裳以繩為帶齊衰之裳以布為帶

首經之制冕以布廣一寸長三尺自項而前交於額上



却繞髻如幪頭斬衰苴麻為首經

苴者麻之有黃也

大九寸左

本在下

本者麻根

齊衰牡麻為首經

牡者麻

大九寸二分右本

在上大功以牡麻為經加皆以繩為纓中殤無纓其大五寸七分小功成人服以牡麻為經小功殤服以澡麻為經皆大四寸六分總麻以澡麻為首經其大三寸七分大功以上麻皆有本小功以下麻經皆繼本

經帶絞帶之制五分首經殺一以為腰經五分腰經殺

一以為絞帶斬衰以麻齊衰以下經帶以麻絞帶以布  
麻有苴有牡有澡有不澡有有本有繼本者皆如首經  
之等

喪屨之制斬衰以菅屨外納其餘齊衰三年及杖周以

鹿屨內納其餘

菅與鹿草名鹿屨又號為疏屨

不杖周麻屨五月三月

及大功繩屨小功以下吉屨無紃

約在屨頭喪屨去之

杖為父杖竹而苴

色之黠者為苴

為母杖桐而削

去其色之苴

其大

皆如腰經其長皆齊心

凡五服衰裳以布之稍細為之等

喪制之制

凡品官以下喪葬之制重柱鬲一品六六品以上四九  
品以上二銘旌書官封姓名之柩四品以上長九尺六  
品以上長八尺九品以上長七尺四品以上紼四披四  
鐸六翬六六品以上紼二披二鐸四翬四九品以上鐸  
二翬二挽歌四品以上六行行六人六品以上四行行  
四人八品以上

陞朝官  
准六品

六人九品四人輦一品一百十

二人五品以上七十二人七品以上三十二人八品二  
十六人九品二十人庶人一十六人車四品以上八十  
二人九品以上六十二人轎車四品以上油幟朱絲絡  
網施襪兩廂畫龍幟竿諸末垂旒蘇六八品以上油幟  
施襪兩廂畫雲氣垂旒蘇四持紼披者布幟布深衣挽  
歌者白練幟白練構衣執紼鐸方相其頭深青衣朱裳  
執戈揚盾載以車五品以上方相四目八品以上魁頭  
兩目明器四品以上五十六品以上三十九品以上

陞朝

官准  
六品

二十庶人一十墓一品方九十步二品方八十步

三品方七十步四品方六十步五品方五十步六品方四十步七品以下方二十步庶人方十八步墳一品高一丈八尺二品高一丈六尺三品高一丈四尺四品高一丈二尺五品高一丈六品以下高八尺庶人高六尺墓域門及四隅四品以上築闕六品以上立侯七品以下同庶人封塋碑螭首趺上高九尺碣主首方趺上高四尺獸四品以上六品以上四九虞祭三品以上七虞五

品以上五虞九品以上再虞庶人一虞凡虞祭祔祭用  
柔日卒哭祭不擇日

欽定四庫全書

政和五禮新儀  
卷二十四

政和五禮新儀卷二十四

欽定四庫全書

政和五禮新儀卷二十五

吉禮

皇帝祀昊天上帝儀一

時日

齋戒

奏告

陳設



車駕自太廟詣青城

省牲器

奠玉幣

進熟

望燎

端誠殿受賀

車駕還內

宣德門賜赦

時日

前期降御禮以今年冬至祀天子圓壇太常寺具時  
日散告

齋戒

前祀十日質明有司設行事執事及陪祠文武官位於  
朝堂太宰刑部尚書在北南向太宰在左刑部尚書在  
右

刑部尚書稍却

行事太宰左丞在南吏部戶部禮部尚書吏

部禮部侍郎太司樂光祿卿太樂令光祿丞功臣獻官

在其南

凡設太樂令以下位皆稍却

次分獻官次執事官又于其南

俱北向西上監察御史位二在西東向北上讀冊舉冊

官奉禮協律郎大祀郊社太官令在東西向北上

奉禮郎以

下位皆稍却

設陪祠文武百官位於行事官之南又設行事

執事及陪祠親王宗室位於太廟齋坊少宰刑部侍郎

在北南向少宰在左刑部侍郎在右

刑部侍郎稍却

亞終獻在

南北向西上親王及行事執事陪祠宗室在東西向北

上東上閣門御史臺太常寺自下分引羣官各就位

凡將

引行市執事陪祠文武官立班即御  
史崇引殿中侍御史一員先入就位太宰請誓於朝堂

刑部尚書泣之少宰請誓於太廟齋坊刑部侍郎泣之  
誓文曰今年十一月某日冬至皇帝祀天於圓壇前

二日朝獻景靈宮前一日朝享太廟各揚其職其或不

恭國有常刑讀訖  
內朝堂執事官奉禮郎以下文官宣德郎以下武官從義以下先退餘

官並對拜拜訖退皇帝散齋七日於別殿致齋三日  
一日

於大慶殿一日於太廟一日于青城凡散齋不吊喪問疾作樂有司不奏

行殺文書致齋日前後殿不視事惟行祀事前後齋一

日殿中監帥其屬尚舍鋪御座於大慶殿當中南向設東西房於御座之左右稍北又設西閣及齋室於殿後之左右殿上前楹施簾致齋之日質明有司陳大駕鹵簿於宣德門外尚輦陳平輦於垂拱殿庭文武百官俱就次各服其服東上閣門奏請皇帝未後詣齋室通事舍人等自下分引知樞密院事以下詣垂拱殿庭立班東上閣門附內侍進班齋牌垂拱殿簾降皇帝乘輦出自殿上少駐輦官迎駕自贊常起居宣輦官上殿簾捲

鳴鞭行門禁衛諸班親從迎駕自贊常起居次舍人先  
贊知內侍省官以下常起居次樞密以下通班常起居  
贊祇候引駕樞密知客省事以下至僉書東上閤門官  
分左右立六尚局應奉官祇應通事大夫以下武功大  
夫以下並先退次管軍臣僚宣名常起居贊祇候引駕  
並分左右前尊輦降東階垂拱殿門外禁衛諸班親從  
自贊常起居次行宮使御營巡檢一班常起居

如通事大夫以下

下知客省事以下武功大夫以下知內侍兩省帶御器械官充行宮使御營巡檢各歸本班

至大慶

殿後閣降輦入西閣大慶殿簾降前導官並就次易朝

服詣御榻前左右侍立

知樞密院事僉書樞密院事在東西向北上同知樞密院事在

西東向左輔一員在知樞密院事之北贊拜東上閣門官一員又在其北並西向知客省事以下在僉書樞密院之南稍東西向北上僉書知客省事以下又在其南稍却

通事舍人等分引行事

執事陪祠文武官各綰結佩入詣大慶殿庭立班舍人

引禮部侍郎奏請中嚴侍臣詣幄奉迎內外符寶郎奉

寶先出陳於御榻之左右少頃引禮部侍郎奏外辦皇

帝服通天冠絳紗袍綰結佩出西閣乘輿稱警蹕侍衛

如常儀由西房至御榻西降輿皇帝即御座南向侍臣

夾侍贊拜東上閣門官於御榻前贊樞密以下拜殿之

上下應在位官皆再拜

東上閣門官贊拜訖轉身北向隨拜訖面西贊各祇候

次

禮直官引左輔詣御座前俛伏跪奏稱左輔具官臣某

言請皇帝降座就齋室奏訖俛伏興還侍位

凡左輔奏請准此

皇帝降座乘輿由東房入齋室侍臣各還所司直衛者

如常儀通事舍人分引行事執事陪祠文武官以次出

三省親王樞密宗室起居問聖體並如儀

應行事執事陪祠官及從升者並



欽定四庫全書

禮部  
卷二十五

散齋七日宿於正寢致齋三日各宿於其次

三省樞密院官各宿

於其所及都堂侍從官并尚書侍郎分宿於秘書省中書後省餘官內庭有所司者各宿於其司諸方客使許赴陪位官各宿於其次

凡散齋治事如故惟不吊喪問疾作樂判書決罰罪人及穢惡致齋之日官給酒饌惟祀事得行其餘悉禁典祀之官已齋而闕者通攝行事

奏告

前祀二日奏告太祖皇帝室如常告之儀

陳設

前祀三日殿中監帥其屬尚舍設大次於外壝東門之內道北南向小次於午階之東西向儀鸞司設文武侍臣於此大次之前隨地之宜行事陪祠官宗室及有司次於外壝東門之外設東方南方客使次於文官之後西方北方客使次於武官之後設饌幔於內壝東門西門之外道北南向北門之外道東西向

壇上及東方南方午階之東饌

陳於東門外西方南方午階之西饌陳於北門外

前祀二日郊社令

帥其屬掃除壇之上下積柴於燎壇先祿牽牲詣祠所

大晟陳登歌之樂於壇上稍南北向設宮架於壇南內  
壝之外立舞衣於鄴綴之間前祀一日太常設神位席  
太史設神位版昊天上帝位於壇上北方南向席以橐  
秸太祖皇帝位於壇上東方西向席以蒲越天皇大帝  
五方帝大明夜光北極九位於第一龕北斗天一太一  
帝座五帝內座五星十二辰河漢等內官神位五十有  
四於第二龕二十八宿等守官神位五百十有九於第  
三龕外神位一百有六於內壝之內衆星神位三百有

六十於內壘之外第一龕席以橐栝餘以莞而席皆內

向

子階之東第二龕鈎星天柱玄枵天廚柱史五位第

三龕虛宿女宿牛宿織女四位在前人星司命司危

司非司祿天津離珠羅堰天桴奚仲左旗河鼓右旗十

有三位在後天壘城琉璃瑜代星齊星周星晉星韓星秦

星魏星燕星楚星鄭星十有二位在內壘之內衆星三

十位在內壘之外皆各為一列以西為上丑階之東第

一龕北極一位第二龕女史星紀御女三位第三龕建

星斗宿箕宿三位在前天鵲輦道漸臺敗瓜扶箱匏瓜

天井天樺帛度署四宗星宗人宗正十有三位在後越

星趙星九次天田狗國天淵狗星鬘星農文人杵星糠

星十有一位在內壘之內衆星三十位在內壘之外皆

各為一列以西為上寅階之南第一龕青帝一位第二

龕帝座一位在前尚書析木河漢大理歲星五位在後

第三龕尾宿天紀心宿日星四位在前天籥女牀侯星

市樓宦者天江車四斗星解星天市垣列四東咸罰星  
十有三位在後魚星龜星傳說神宮積卒從官天輻騎  
陳將軍八位在內壘之內衆星三十位在內壘之外皆  
各為一列以北為上卯階之南第一龕大明一位第二  
龕陰德大火天槍真弋天牀五位第二龕房宿七公底  
宿帝座大角亢宿六位在前貫索天關鈞鈴周伯星四  
咸天乳招搖梗河亢池周鼎十位在後陣車車騎騎官  
頓頓折威陽門五柱天門衡星庫樓十位在內壘之內  
衆星三十位在內壘之外皆各為一列以北為上辰階  
之南第二龕三師輔星壽星相星太陽守五位第三龕  
捭提角宿軫宿太微垣太子五位在前天田平道進賢  
郎將郎位內五諸侯九卿內座三公內座謁者幸臣常  
陳十有一位在後平星南門青丘長沙土司空五位在  
內壘之內衆星三十位在內壘之外皆各為一列以北  
為上己階之西第一龕赤帝一位第二龕太一天一二  
位在前天理勢星鶉尾熒惑內厨五位在後第三龕明

堂翼宿張宿三位在前屏星從官虎賁靈臺少微長垣  
黃帝座四帝八位在後左右轄軍門器府東甌天廟酒  
旗六位在前壇之內眾星三十位在內壇之外皆各為  
一列以東為上午階之西第一龕黃帝一位第二龕北  
斗一位在前天牢三公鶉火文昌內階五位在後第三  
龕軒轅七星三台柳宿四位在前內平太尊積薪積水  
北河五位在後天相天稷權星天紀外厨天狗南河七  
位在內壇之內眾星三十位在內壇之外皆各為一列  
以東為上未階之西第二龕鎮星鶉首四輔三位第三  
龕鬼宿井宿參宿三位在前天尊五諸侯越星座旗司  
怪天闕六位在天社天星水位闕丘狼星狐星老人  
星四瀆野鷄軍市水府孫星子星十有三位在內壇之  
內眾星三十位在內壇之外皆各為一列以東為上申  
階之北第一龕白帝一位第二龕實沈太伯二位第三  
龕觜宿五車諸王畢宿四位在前咸池天潢三柱天高  
彌石天街天舡七位在後丈人天天矢天厠天伐星屏星

軍井玉井九旂參旗附耳九州珠口天節十有二位在  
內壝之內衆星三十位在內壝之外皆各為一列以南  
為上酉階之北第一龕夜明一位第二龕八穀大梁扛  
星華蓋四位第三龕月星昴宿胃宿三位在前積水天  
譏卷舌天河積尸大陵左更天火將軍單南門九位在  
後天園天陰天廩天苑天囷留靈天庾天倉欽鎖天涸  
十位在南為上戌階之北第一龕天皇大帝一位第二龕  
五帝內座一位在前傳舍六甲降婁三位在後第三龕  
婁宿奎宿壁宿三位在前右更附路閣道王良策星天  
廐土公雲雨霹靂九位在後屏土司空八魁羽林四位  
在內壝之內衆星三十位在內壝之外皆各為一列以  
南為上亥階之東第一龕黑帝一位第二龕勾陳娵訾  
辰星紫微垣四位第三龕室宿危宿二位在前滕蛇雷  
電離宮造父土公更內杵臼星蓋屋虛梁墳墓車府十  
有一位在後壁壘陣斧鉞敗臼北落師門天網天錢泣

星哭星八位在內壇之內衆星三十位在內壇之外皆各為一列以西為上昊天上帝配帝天皇大帝五方帝大明夜明北極之座及禮神之玉俎告潔訖權徹其內官中官外官衆星等位皆設定奉禮郎禮

真官設皇帝位版於壇下小次前西向飲福位於壇下

午階之西北向望燎位于柴壇之北南向設燿火望燎

位之東南向

東西各六人

贊者設亞終獻位於小次之南稍

東西向大禮使太宰左丞位於其南行事吏部戶部禮

部尚書吏部禮部侍郎光祿卿讀冊舉冊官光祿丞位

於大禮使之東

光祿丞稍却

奉禮郎搏黍太祝郊社太官令



位於小次之東北俱西向北上監察御史位二一於壇  
下午階之西南一於子階西北協律郎二一於壇上樂  
虞西北一於宮架西北俱東向大樂令於樂虞北大司  
樂於宮架北良醞令於酌尊所俱北向又設陪祠文武  
官位於執事官之南諸方客使在文官之南隨其方國  
光祿陳牲於東壝門外西向祝史各位於牲後太常設  
省牲位於牲西大禮使太常左丞在南北向西上分獻  
官位於其後行事吏部戶部禮部尚書吏部禮部侍郎

大司樂光祿卿讀冊舉冊官大樂令光祿丞奉禮協律

部搏黍太祝郊社太官令在北南向西上

凡設大樂令以下位皆稍

却監察御史在吏部尚書之西異位稍却光祿陳禮饌

於東壝門外道北南向太常設省饌位於禮饌之南大

禮使太宰左丞在南北向西上分獻官位於其後監察

御史位二俱在西東向北上行事吏部戶部禮部尚書

吏部禮部侍郎大司樂光祿卿讀冊舉冊官大樂令光

祿丞奉禮協律郎搏黍太祝郊禮太官令在東西向北

上禮部帥其屬設祝冊案於神位之右司尊彝帥其屬設玉幣筐於酌尊所以設籩豆簋簋之位正配位皆左十有一籩右十有一豆俱為三行俎三一在籩前二在豆前為二重登一在籩豆間簋一簋一在籩豆外簋在左簋在右又設尊坫之位正配位皆太尊五山尊五為二重在壇上東南隅北向西上

配位設於正位酒尊之東

太尊在前

皆有坫加勺冪為酌尊之設太尊二山尊二在神位前

著尊二犧尊二在午階之西第一龕

配位設於酉階之北第一龕象

尊二壺尊六在壇下午階之西俱北向西上

配位即設於壇下西

階之北俱東向北上

皆加冪設而不酌又設從祀諸神籩豆簋簋

之位第一龕每位皆左十籩右十豆俱為三行俎二在

籩豆前登一在籩豆間簋一簋一在籩豆外簋在左簋

在右爵一在俎前加坩其餘神位每位皆左二籩右二

豆俎一在神位前爵一次之簋一簋一在爵之前簋在

左簋在右登一在籩豆間

內籩外衆星位皆不設登

又設從祀尊坩

之位第一龕每龕太尊二著尊二太尊在上第二龕每

龕犧尊二第三龕每龕象尊二壺尊二象尊在上內壝之內每階概尊二內壝之外每階散尊二皆加勺審在神位之左又設正配位籩豆簋簋盤俎各一於饌幔內設御洗二於壇下午階東南北向

盥洗在東爵洗在西

罍在洗東

加勺篚在洗西南肆實以巾

若爵洗之篚則又實以爵加玷

設皇帝位

於洗南北向內侍酌水位於洗東執巾位於酌水內侍之北俱西向吏部侍郎位于洗爵之西東向又設爵洗之西東向又設亞終獻盥洗爵洗于本位之南分獻官

盥洗各於其方陞道之左壘籩各設於左右皆內向壘  
籩者位其後祀日丑前五刻郊社令與太史官屬皆服  
其服井壇設昊天上帝太祖皇帝神位版於壇上又設  
天皇大帝五方帝大明夜明北極九位於第一龕太府  
卿少府監帥其屬陳玉幣於籩

昊天上帝以蒼璧青瑋黃帝以黃琮白帝以白

琥黑帝以黝璜日月以珪璧皆盛於匣昊天上帝配帝幣皆以蒼日月內官以下各從其各色禮神之

玉各置於神位前燭玉加於幣光祿卿帥其屬入實正

配位籩豆簋簠

籩三行以右為上第一行形盥在前魚鱸糗餌次之第二行榛實在前乾桃乾

豫乾棗次之第三行菱在前芡栗鹿脯次之三行左  
為上第一行芹菹在前笋菹菁菹葵菹次之第二行韭  
菹在前配食魚醢次之第三行豚拍在前鹿醢  
醢醢次之簋實以稻簋實以黍登實以太羹

大官令

帥其屬入實俎

籩前之俎一實以十牛脰七體兩髀兩  
脅兩肩並脊兩髀在兩端兩肩兩脅次

之脊在中豆右之俎二為二重以北為上第一重實以  
牛脰腸胃肺離肺一在上端扞肺三次之腸三胃三又

次之第二重實以牛熟腸胃肺良醢令帥其屬入實尊

具載如脰若配位即以東為上太尊實以泛齊山尊實以醴齊著尊實以盎齊犧尊實  
以醢齊象尊實以沉齊各以一尊實明水壺尊三實玄

酒三實三酒明水玄酒皆在上

又實從祀神位之饌

第一龕每龕蓮三  
行以右為上第一

行乾籩在前乾棗形鹽魚鱠次之第二行鹿脯在前榛  
實乾龜次之第三行菱在前芡栗次之豆三行以右為

上第一行芹菹在前笋菹葵菹菁菹次之第二行蕡菹  
在前魚醢兔醢次之第三行豚拍在前鹿醢醢次之  
簋實以稻粱粱在稻前簋實以黍稷稷在黍前簋前之  
俎實以羊腥胾一豆前之俎實以承腥胾一登實以太  
羹爵實以泛齊其餘諸神位每位左二簋栗在前鹿脯  
次之右二豆菁菹在前鹿醢次之簋實以稷簋實以黍  
俎實以羊承腥肉登實

又實從祀神位之尊

太尊實以  
泛齊犧尊

實以醴齊壺尊實以沉齊各以一尊實明水概尊實以  
清酒散尊實以昔酒各一尊實玄酒著尊象尊實以明  
水上帝配帝之饌升卯階青帝升寅階赤帝升巳階黃  
帝升未階白帝升酉階黑帝升子階大明升辰階夜明  
升戌階天皇大帝升戌階北極  
升丑階其餘神位各由其升階  
太常設燭於神位前又  
設大禮使以下行事執事官設位於卯階之東內壝外



如省牲位所司陳異寶嘉瑞及大國之寶於宮架之南  
東西相向

政和五禮新儀卷二十五

欽定四庫全書

政和五禮新儀卷二十六

吉禮

皇帝祀昊天上帝儀二

車駕自太廟詣青城

前祀一日皇帝於太廟朝享畢既還大次禮部郎中奏  
解嚴皇帝常服乘輿還齋殿所司轉仗衛鹵簿陪文武  
官先赴圓壇齋宮導駕官以下就次各服其服尚輦奉

御進輿於齋殿乘黃令進玉輅於廟南門外少西南向  
設千牛將軍一員位於輅前北向門下侍郎一員位於  
左輔之前贊者二人位又於其前質明知客省事以下  
知內侍省事以下帶御器械官祇應通事大夫以下武  
功大夫以下并六尚局應奉官於齋戒門前班立定東  
上閣門御史臺太常寺分引管軍臣僚及左輔門下侍  
郎太僕卿乘黃令詣齋殿門外立班並北向東上乘黃令位  
後其次引導駕官以下俱於大次門外分東西向立以俟

奉迎前導次行宮使御營巡檢各就位立定禮直官通

事舍人引禮部侍郎奉請中嚴

凡左輔門下侍郎禮部侍郎奏請皆直官通事

舍人

少頃又奏外辦皇帝服通天冠絳紗袍乘輿以出

稱警蹕如常儀行門禁衛諸班親從迎駕奏聖躬萬福  
知客省事以下知內侍省事以下帶御器械官祇應通  
事大夫以下武功大夫以下六尚局應奉官序班迎駕  
奏聖躬萬福次管軍臣僚奏聖躬萬福次左輔以下常起  
居次導駕官北向常起居

內有已起居者止奏聖躬萬福

分東西立次

行宮使御營巡檢常起居

該宣名者並宣名

太僕卿出詣玉輅

所攝衣而升正立執轡駕官前導皇帝至廟南門內少

東左輔進當興前俯伏跪奏左輔具臣某言請皇帝降

輿奏訖俯伏興退復位

凡左輔奏請准此

皇帝降輿步出門外

至玉輅所千牛將軍前跪執轡左輔奏請升輅乘黃令

稍前東向進玉輅皇帝升輅太僕卿立授綏導駕官分

左右步導門下侍郎進當輅前俯伏跪奏門下侍郎具

官臣某言請車駕進發奏訖俯伏興退復位

凡門下侍郎奏請准

此

車駕動稱警蹕左輔先詣廟西門內以俟門下侍郎  
及贊者夾侍以出千牛將軍夾輅而趨車駕將及廟西  
門至侍臣上馬所門下侍郎奏請車駕少駐勅侍臣上  
馬左輔前承旨退稱曰制可門下侍郎退傳制稱侍臣  
上馬贊者承傳勅侍臣上馬諸侍衛之官各督其屬左  
右翼加馬在黃麾內符寶郎奉八寶前導殿中監後部從  
導駕官夾侍於前贊者在左輔門下侍郎之前侍臣上  
馬畢門下侍郎奏請車駕進發車駕動稱警蹕不鳴鼓

吹大駕鹵簿前導詣青城車駕將至青城東上閣門御

史臺分引陪祠文武官宗室客使禮直官贊者引行事

執事官俱詣奉裡門外立班再拜奉迎訖退

內有已起居者止奏

聖躬萬福

車駕及門外駐文武侍臣皆下馬導駕官步導入

門車駕動千牛將軍夾輅而趨至端誠殿前迴輅南向

千牛將軍立於輅右左輔奏請皇帝降輅乘輿入齋殿

侍衛如常儀導駕官步導至殿前皇帝降輿歸殿後閣

簾降通事舍人承旨勅羣官各還次學士院以祝冊授

通進司進御書訖付尚書禮部

省牲器

省牲之日午後七刻去壇三百步禁行者未後二刻郊

社令帥其屬掃除壇之上下司尊彛帥府史及執事者

以祭器入設於位

凡設祭器皆藉以席籩豆又加巾蓋

太府卿少府監陳

幣於篚

告潔畢權徹

未後三刻禮直官贊者分引大禮使以

下詣東壝門外省牲位立定光祿卿丞與執事者牽牲

就位禮直官贊者揖贊者引大司樂入行樂架

凡亞終獻行事



皆禮直官太常博士引大禮使太常  
左丞行事皆禮直官引餘贊者引

次引禮部尚書升

自外階視滌濯

凡行事執事官  
升降皆自外階

次引太宰申眡滌濯執

事者皆舉冪曰潔俱復位禮直官稍前曰告潔畢請省  
牲次引禮部尚書侍郎稍前省牲訖退位次引光祿卿出  
班循牲一匝西向躬曰充曰脩次引光祿丞出班循牲  
一匝西向躬曰臚俱復位禮直官稍前曰省牲畢請就  
省饌位贊揖訖引大禮使以下各就位立定禮直官贊  
揖所司省饌具畢禮直官贊省饌畢揖訖俱還齋所光

祿卿丞及執事者以次牽牲詣厨授太官令次引禮部  
尚書詣厨省鼎鑊視濯漑協律郎展視樂器乃還齋所  
晡後一刻太官令帥宰人以鸞刀割牲祝史各取毛血  
實於槃俱置饌所遂烹牲郊社令帥其屬掃除壇之上  
下

奠玉幣

祀日丑前五刻

行事用丑  
時七刻

諸祀官及陪祠之官各服其

服郊社令與太史官屬入設神位版太府卿少府監入

陳玉幣光祿卿入實籩豆簋簋太官令入實俎良醢令  
入實尊樂正帥工人二舞以次入與執尊罍篚冪者各  
就位次引分獻執事官各位於龕陛上下並外向次通  
事舍人分引陪祠文武官及宗室客使各入就位次禮  
直官贊者分引大禮使以下行事執事官就郊階內墻  
門外揖位定立禮直官贊揖次引監察御史次引大禮  
使以下入就次次引監御史按視壇之上下糾察不如  
儀者退復位尚輦奉御進輿於齋殿皇帝服通天冠絳

紗袍乘輿以出近侍及扈從之官前導至大次門外皇  
帝降輿入次簾降禮儀使樞密院官太常卿東上閣門  
官太常博士禮直官分引於大次外之左右次引禮部  
侍郎詣前奏請中嚴少頃又奏外辦符寶郎奉寶陳於  
宮架之北禮儀使當次前俯伏跪奏禮儀使臣具官某  
言請皇帝行事奏訖俯伏興還侍衛禮儀使奏  
禮畢准此簾卷皇  
帝服裘被袞以出侍衛如常儀禮儀使以下前導至中  
壇門外殿中監跪進大圭殿中少監副之

凡殿中監進  
圭受圭皆少

監副之禮儀使奏請執大圭前導皇帝入自正門侍衛不應入者

止於門外協律郎俯伏舉麾興凡行禮執事者取物工鼓祝

宮架乾安之樂作皇帝升降行止皆作乾安之樂至午階版位西向立

偃麾憂敵樂止凡樂皆協律郎跪俛伏舉麾興工鼓祝而後作偃麾而後止禮儀使

以下分左右侍立凡行禮儀使樞密院官太常卿東上閣門官太常博士禮直官前導至位

則分立於左右禮儀使前奏有司謹具請行事宮架作景安之

樂文德之舞六成太常升煙燔牲首禮儀使奏請再拜

皇帝再拜贊者曰再拜在位官皆再拜內侍取玉幣於

篚立於尊所

應龍陞上下及壇內諸位太祝取玉幣亦各立於尊所

次引太宰吏

部尚書侍郎升詣昊天上帝神位前立太宰吏部尚書俱西向北上侍郎東向禮儀使前導皇帝盥洗位宮架樂作至洗位北向立樂止內侍酌水以進禮儀奏請搢大圭盥手內侍跪取巾於篚興以進皇帝帨手內侍受巾跪奠於篚禮儀使奏請執大圭前導皇帝升壇大禮使從

皇帝升降大禮使皆從左右侍衛量人數升

宮架樂作至壇下樂止升

自午階登歌樂作至壇上樂止登歌嘉安之樂作殿中

監跪進鎮圭禮儀使奏請搢大圭執鎮圭前導皇帝詣  
昊天上帝神位前北向立內侍先設繅藉於地禮儀使  
奏請跪奠鎮圭於繅藉執大圭俯伏興又奏請搢大圭  
跪內侍加玉於幣以授吏部尚書吏部尚書以授太宰  
太宰西向跪以進禮儀使奏請受玉幣皇帝受奠訖吏  
部侍郎東向跪受以興進奠於昊天上上帝神位前太宰  
吏部尚書侍郎俱詣太祖皇帝神位前以俟禮儀使奏  
請執大圭俯伏興內侍取鎮圭繅藉詣太祖皇帝神位

前先設繅藉於地禮儀使奏請再拜皇帝再拜訖樂止  
禮儀使前導皇帝詣太祖皇帝神位前東向奠幣並如

上儀

惟登歌作  
廣安之樂

太宰以下俱復位禮儀使導皇帝還版

位登歌樂作內侍舉鎮圭繅藉以鎮圭授殿中監還次  
有司皇帝降階樂止宮架樂作至版位西向立樂止初  
皇帝將奠配位之幣贊者引分獻官俱詣盥洗位搯笏  
盥手悅手執笏由其階升詣諸從祀神位前各搯笏跪  
奠幣執笏俯伏興再拜祝史執事官各助奠訖退復位



祝史奉毛架立於壇門外由其階升太祝迎於壇上俱  
進奠於神位前大祝與執事者退立於奠所

政和五禮新儀卷二十六

欽定四庫全書

政和五禮新儀卷二十七

吉禮

皇帝祀昊天上帝儀三

進熟

祀日有司陳鼎四於神厨各在鑊右太官令帥進饌者

詣厨以七升牛於鑊實於一鼎

肩臂膈肱脇正脊一橫脊一長脊一短脊

一代脊一皆二骨以並正配位各以鼎

皆設局幕祝史對舉陳於饌幔內

重行西向以南為上光祿實籩豆簋簋於饌幔內

籩實以粉

養豆實以糲食簋實以梁簋實以黍

次引禮部侍郎詣饌所視腥熟之節

俟皇帝升奠玉幣訖還位樂止引禮部尚書詣饌所執

籩豆簋簋以入戶部尚書詣饌所奉俎以入太官令引

入正門宮架豐安之樂作設卯階之下北向西上奉牲者

在東祝史抽局委於鼎右除冪初鼎序入有司執匕及

俎以從至郊壻下各設於鼎西匕加於鼎太官令以匕

升牛載於一俎

肩臂臑在上端肫胙在下端脊脅在中端正配位合一俎

鼎先退俟

祝史進徹毛血粢以次出次引禮部尚書搢笏執籩豆  
簋簠戶部尚書搢笏奉俎以升執事者各迎於壇上禮  
部尚書奉籩豆簋簠詣昊天上帝神位前北向跪奠蓋  
訖於下執笏俯伏興有司設籩粢餌前豆於醢醢前簋  
於稻前簋於黍前次引戶部尚書奉俎詣昊天上帝神  
位前北向跪奠執笏俯伏興有司設於豆前次詣太祖  
皇帝神位前東向跪奠如上儀樂止俱降復位太祝  
取菹孺於醢登於豆間三又取黍稷肺祭如初皆藉用

茅各還尊所次引太宰左丞詣昊天上帝神位前西向立以北為上次引吏部侍郎於爵洗位東向立禮儀使前導皇帝詣盥洗位宮架樂作至洗位北向立樂止內侍酌水以進禮儀使奏請搢大圭盥手內侍跪取巾於篚興以進皇帝悅手內侍受巾跪奠於篚禮儀使奏請執大圭前導皇帝詣爵洗位宮架樂作立洗位北向立樂止吏部侍郎跪取爵於篚興以進禮儀使奏請搢大圭受爵內侍酌水以進禮儀使奏請洗爵內侍跪取巾

於篚興以進皇帝拭爵內侍受巾跪奠於篚吏部侍郎受爵升自午階禮儀使奏請執大圭前導皇帝升壇宮架樂作至午階樂止升自午階登歌樂作至壇上樂止登歌僖安之樂作吏部侍郎奉爵詣正位酌尊所西向立執尊者舉冪良醞令酌太尊之泛齊訖先詣配位酌尊所北向立禮儀使前導皇帝詣昊天上帝神位前北向立禮儀使奏請搢大圭跪吏部侍郎以爵授左丞左丞授太宰太宰西向跪以進禮儀使奏請執爵祭酒

三祭於茅

直奠爵執大圭俯伏興又請少立樂止太宰左丞俱詣  
太祖皇帝神位前北向立以俟舉冊官舉祝冊進於昊  
天上帝神位之右讀冊官搢笏東向跪讀冊文讀訖執  
笏興先詣太祖皇帝神位前南向立禮儀使奏請再拜  
皇帝再拜有司奠冊於昊天上帝神位前禮儀使前導  
皇帝詣太祖皇帝神位前酌南獻並如上儀

將登歌作  
彰安之樂

太宰以下俱復位禮儀使前導皇帝還版位登歌作降  
階樂止宮架樂作至版位西向立樂止禮儀使奏請還

小次宮架樂作將至小次樂止禮儀使奏請釋大圭殿  
中監跪受大圭皇帝入小次簾降樂止文舞退武舞進  
宮架正安之樂作舞者立定樂止初皇帝將詣小次禮  
直官太常博士引亞獻詣盥洗位北向立搯笏盥洗爵拭爵以授執事者  
手執笏詣爵洗位北向立搯笏洗爵拭爵以授執事者  
執笏升詣正位酌尊所西向立宮架作正安之樂武功之  
舞執事者以爵授亞獻亞獻搯笏執爵執尊者舉冪太  
官令酌山尊之醴齊訖先詣配位酌尊所北向立亞獻



以爵授執事者執笏詣昊天上帝神位前北向搢笏執  
事者以爵授亞獻亞獻執爵祭酒三祭於茅苴奠爵執  
笏俯伏興少退北向再拜次詣太祖皇帝神位前酌獻  
並如上儀樂降止復位初亞獻行禮將畢次禮直官太  
常博士引終獻詣洗及升壇酌獻並如亞獻之儀降復  
位初亞獻將升次分引分獻官詣盥洗位搢笏盥手悅  
手執笏各由其階升詣從祀諸神位前俱搢笏跪執爵  
三祭酒奠爵執笏俯伏興再拜降復位初皇帝既奠玉

幣光祿以牛左臂一骨及長脅短脅俱二骨以並載於  
胙俎設於壇下飲福位之西俟終獻既升獻引戶部尚  
書搏黍太祝太官令詣飲福位東面立奉俎豆爵酒者  
各位於其後禮儀使奏請詣飲福位卷簾出次宮架樂  
作殿中監跪進大圭禮儀使奏請執大圭前導皇帝詣  
飲福位將至位樂止宮架禧安之樂作皇帝至飲福位  
北向立尚醞典御執尊升詣酌尊所良醞令酌上尊福  
酒合置一尊典御奉尊降詣飲福位以授殿中少監尚

醢奉御執爵殿中少監酌之奉御以爵酒授殿中監殿中監西向捧以立禮儀使奏請再拜皇帝再拜殿中監跪以爵酒進禮儀使奏請搢大圭跪授爵祭酒

三祭於地

啐

酒奠爵殿中監跪受爵以興諸大祝帥執事者持胙俎進臧神位前正脊二骨橫脊二骨加於俎以授戶部尚書戶部尚書西向跪以進皇帝受俎奠之戶部尚書受俎以興退復位太官令取黍於簋搏以授太祝太祝受以豆東向跪進皇帝受訖奠之太祝受豆以興退復

位次殿中監再跪以爵酒進禮儀使奏請受爵飲福酒  
奠爵殿中監受虛爵興以授典御奏執事者俱退復位  
禮儀使奏請執大圭俯伏興又奏請再拜皇帝再拜樂  
止禮儀使前導皇帝還版位宮架樂作至版位西南立  
樂止次引禮部尚書升壇徹籩豆戶部尚書升壇徹俎  
籩豆俎各一  
俱少移故處登歌熙安之樂作卒徹樂止禮部戶部尚  
書降復位禮直官曰賜胙行事陪祀官拜贊者承傳曰  
賜胙再拜在位官皆再拜送神宮架景安之樂作一成

止

望燎

景安之樂畢禮儀使奏請詣望燎位前導皇帝詣望燎位宮架樂作至位南向立樂止初賜胙再拜訖郊社令以黍稷肺祭藉以白茅束之吏部侍郎帥大祝執篚進詣神位前取玉幣祝冊藉以茅大明夜明以上並以俎載牲體黍稷飲爵酒各由其階降壇南行詣柴壇自南階升以玉幣祝冊饌物置於燎柴諸太祝又以諸位幣

帛從燎禮直官曰可燎舉燿火東西各以炬燎半柴禮儀使奏畢前導皇帝還大次宮架樂作出壝門外禮儀使奏請釋大圭殿中監跪受大圭以還有司侍衛如常儀皇帝至大次樂止禮部郎中奏解嚴次引大禮使以下詣外階之東內壝外揖位立禮直官贊禮儀揖訖退通事舍人等引陪祀文武官及宗室客使以下出將士不得輒離部伍

端誠殿受賀

皇帝既還大次奏解嚴訖皇帝常服乘輿還青城侍衛如常儀鼓吹振作至殿前降輦還齋殿東上閣門御史臺分引文武官宗室並常服詣殿前立班稱賀東上閣門附內侍進班齋牌皇帝常服出升御座鳴鞭禁衛奏聖躬萬福次舍人揖管軍臣僚等并行門躬贊再拜管軍臣僚以下皆再拜班首奏聖躬萬福舍人引班首出班俯伏跪致詞訖俯興退復位舍人揖躬贊再拜管軍臣僚以下皆再拜三稱萬歲內侍詣御座前承旨退降

階西向宣答訖舍人贊再拜管軍臣僚以下皆再拜三稱萬歲舍人贊各祇候管軍臣僚詣殿下侍立行門分左右立次太史局官詣當殿北向立舍人揖躬贊再拜太史局官再奏聖躬萬福出班躬身奏祥瑞訖退復位舍人揖躬贊再拜太史局官再拜贊祇候太史局官東出次舍人揖樞密以下躬舍人當殿通某官姓名以下起居稱賀轉身於班前西向立舍人贊再拜播笏舞蹈三稱萬歲又再拜班首不離位奏聖躬萬福又再拜舍



人引班首出班俯伏跪致詞訖俯伏興退復位舍人揖躬贊再拜樞密以下皆再拜搢笏舞蹈三稱萬歲又再拜東上閣門官當殿北向承旨退西向稱有制樞密以下皆再拜宣答訖復位舍人曰再拜樞密以下皆再拜搢笏舞蹈三稱萬歲又再拜樞密直學士升殿侍立並升西階知客省事以下殿廷東侍立餘官分班出舍人禮直官揖宰臣以下躬舍人當殿道文武百僚宰臣姓名以下起居稱賀三公通某官舍人揖班首以下橫行北向

立

學士西省官將軍仍舊西向立

稱賀如上儀

惟典儀贊拜樞密詣御座前承旨退詣折檻東

稱有制旨宣答


賀訖宰臣執政官升殿東西相向立

宰臣執政官升東階

中書侍郎升西階

樞密直學士下殿餘官以次退皇帝降座鳴

鞭上侍立官以次退



政和五禮新儀卷二十七

欽定四庫全書

史部

政和五禮新儀卷

二十八至  
三十一

詳校官編修臣曹錫齡

編修臣程嘉謨覆勘

總校官庶吉士臣何思鈞

校對官主簿臣汪日贊

謄錄監生臣林李

欽定四庫全書

政和五禮新儀卷二十八

吉禮

皇帝祀昊天上帝儀四

車駕還內

前期殿中監帥其屬尚舍設御幄於大慶殿門外之東  
南向大晟設官架於宣德門外稍南其日端誠殿受賀  
禮畢所司轉伏衛鹵簿於還塗如來儀文武百官宗室

客使先詣宣德門外就次俟至班奉迎乘黃令進金輅於行宮殿門外南向千牛將軍一員執長刀立於輅前尚輦奉御進輿於齋殿導駕官俱詣齋殿奉迎禮部侍郎奏請中嚴少頃又奏外辦簾卷皇帝服通天冠絳紗

袍乘輿以出應導駕官等並迎駕奏聖躬萬福

內祇應官贊謝

花再拜

太僕御出詣金輅所攝衣而升正立執轡皇帝乘

輿降自西階至金輅所左輔奏請皇帝降輿乘輅

有司仍具

大輦若乘輦仍奏云降輿乘輦

太僕卿立授綏千牛將軍馭駕如來儀

門下侍郎奏請車駕進發車駕動稱警蹕侍衛如儀至  
侍臣上馬所門下侍郎奏請車駕少駐勅侍臣上馬左  
輔前承旨退稱曰制可門下侍郎傳制稱侍臣上馬贊  
者承傳勅侍臣上馬門下侍郎奏請車駕進發車駕動  
稱警蹕吹及諸軍樂振作車駕將至宣德門外文武百  
官宗室客使並立班再拜奉迎次大內留守至再拜訖  
退車駕自宣德門外少駐文武侍臣皆下馬步導千牛  
將軍降立於輅右車駕動千牛將軍夾輅而趨大樂正

令奏采茨之樂入門樂止車駕至御幄前左輔奏請皇  
帝降輅乘輿若乘輦即奏云降輦乘輿皇帝降輅乘輿以入禮部郎  
中奏解嚴通事舍人承旨勅羣官各還次將士各還其  
所

宣德門肆赦

前期殿中監帥其屬尚舍張設宣德門之外又設御座  
於前楹當中南向又設御幄於後東上閣門設捧赦書  
儀物於御座之東稍南儀鸞司設文武百僚次於樓前



隨地之宜八作司設鷄竿於御階之東稍北大晟府設鼓一於宮架之西北稍東上其日刑部大理寺開封府以囚徒集於仗後東上閤門御史臺太常寺設文武百官位於樓下皇帝既歸幄次少頃乘輦升宣德門至御閤門東降輦御閤簾降內侍遣呈赦書東上閤門官於樓下侍立

三員於樓上祇應

禮直官通事舍人分引三公親王

以下詣樓前分班立定左輔樞密升詣御座之東翰林

學士承旨一員升詣御座之西俱南向立

翰林學士承旨闕即翰林

學士

次引禮部侍郎奏請中嚴少頃又奏外辦降復本班

簾卷大樂正令撞黃鍾之鐘右五鐘皆應乾安之樂

作內侍索扇扇合皇帝出御閣臨軒即御座樓下鳴鞭

簾卷內侍贊扇開扇退樂止侍衛如常儀禮直官通事

舍人分引三公親王以下橫行北向立定

學士侍制兩省官將軍仍

舊相向立

典儀曰再拜在位皆再拜分班東西相向樓下舍

人詣樓前北向立左輔詣御座前承旨退稍前西向宣

曰奉勅立金鷄退復位樓下舍人應喏趨詣文武班南

止向揖訖東向宣曰奉勅立金鷄宣付所司退復位金

鷄初立大晟府擊鼓每擊鼓投一杖因集鼓聲止

初宣立金

訖鷄即擊鼓立金鷄即止更不投杖樓上降赦書閣門受以置於案承受

二人舉案於東偏門之西南舍人二員對捧東上閣門

官捧引至班心北向揖稱宣付門下省退詣案西東向

立引門下侍郎詣案南北向搢笏跪閣門捧赦書以授

門下侍郎受訖執笏俯伏興舍人捧案退置於樓下近

北訖歸本班東上閣門官還侍立位次門下侍郎捧赦

書詣班前北向俯伏跪奏制書請付外誕行

制書權付  
禮職官

奏訖俯伏興躬身北向次引左輔詣御座前承旨退西  
向宣曰制可退復位門下侍郎稱宣付班首稍西東向  
立次引班首相向各俯伏跪門下侍郎搢笏捧制書以  
授班首受訖執笏俯伏興捧歸位以付舍人舍人跪付  
受提點承受啟封訖復以授舍人舍人捧制書折方行  
至班心近南西向又折方北向立東上閣門官一員并  
捧制書舍人於左省班後詣宣制位

起居郎舍人一  
員指搢句讀

舍人

宣曰有制典儀曰再拜在位官皆再拜舍人宣制至咸

赦除之獄吏詣南班北向躬稱脫枷訖奏聖躬萬福三

稱萬歲以罪人過宣制訖樓上舍人贊樞密院官左輔

翰林學士承旨並賀再拜

樓上閣門官不拜

東上閣門官歸侍

立位舍人捧制書詣班前東向立搢笏跪以制書授班

首受訖舍人執笏退復侍立位禮直官次引西部尚書

詣班首前東向搢笏跪班首搢笏以制書加于笏上以

授所司歸本班禮直官通事舍人引三公親王以下及

應橫行官就北向住立定典儀曰再拜在位官皆再拜  
禮直官通事舍人引班首少前俯伏跪致詞訖俯伏興  
典儀曰再拜在位官皆再拜搢笏舞蹈三稱萬歲又再拜  
東上閣門官詣樓前北向承旨退於班首前西向宣制典儀  
曰再拜在位者皆再拜東上閣門官宣答訖歸侍立位  
典儀曰再拜在位者皆再拜舞蹈三稱萬歲又再拜禮  
直官通事舍人引三公親王以下分東西班叙立禮直  
官引左輔詣御座前奏禮畢退復位內侍索扇扇合大

樂正令撞蕤賓之鐘左五鐘皆應乾安之樂作簾降皇  
帝降座還御幄樂止樓下鳴鞭舍人詣樓前北向承旨  
四色官應喏舍人北向稱奉勅放仗四色官趨至班南  
宣曰奉勅放仗百僚再拜退宣詞令舍人於樓下宣勞

訖將士始退

賜酒拽馬隊  
茶並如儀

政和五禮新儀卷二十八